



Broj: 07-11-864/20
Vogošća, 26.06.2020. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14), i čl. 71. i 125. Statuta Općine Vogošća ("Službene novine Kantona Sarajevo", broj 27/14 i 14/15 Prečišćeni tekst), Općinski načelnik dana 26.06.2020. godine donio je

ODLUKU
O IZBORU NAJPOVOLJNIJEG PONUĐAČA ZA PRUŽANJE USLUGE IZRADE TEHNIČKE
DOKUMENTACIJE NA NIVOU GLAVNOG PROJEKTA ZA SANACIJU I REKONSTRUKCIJU
LOKALNIH PUTEVA NA PODRUČJU OPĆINE VOGOŠĆA

Član 1.

Ponuda ponuđača "Saraj inženjering" d.o.o. Sarajevo, ulica Skenderija broj 48. Sarajevo, odabrana je za pružanje usluge izrade tehničke dokumentacije na nivou glavnog projekta za sanaciju i rekonstrukciju lokalnih puteva na području općine Vogošća, kao jedina formalno-pravno prihvatljiva ponuda, sa ponuđenom ukupnom cijenom ponude u iznosu od 82.175,00 KM bez uračunatog PDV-a, odnosno 96.144,75 KM sa uračunatim PDV-om.

Član 2.

Ova Odluka stupa na snagu danom donošenja, a objaviće se na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

OBRAZLOŽENJE

Općinski načelnik je dana 29.05.2020. godine donio Odluku o pokretanju Otvorenog postupka nabavke usluge izrade tehničke dokumentacije na nivou glavnog projekta za sanaciju i rekonstrukciju lokalnih puteva na području općine Vogošća, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 29.05.2020. godine pod brojem: 1353-1-2-97-3-81/20.

Sažetak Obavještenja o nabavci objavljen je u "Službenom glasniku BiH" broj: 31/20 od 05.06.2020. godine.

Tendersku dokumentaciju sa Portala javnih nabavki BiH je preuzelo 20 (dvadeset) ponuđača. Krajnji rok za dostavu ponuda bio je 23.06.2020. godine do 12:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 23.06.2020. godine.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve ugovornog organa u Tenderskoj dokumentaciji broj: 07-11-864/20 iz maja 2020. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Shodno navedenom Zapisniku sa otvaranja ponuda, Komisija za javne nabavke je konstatovala da su zaprimljene 2 (dvije) ponude i to:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM)SA POPUSTOM bez PDV-a	UKUPNA CIJENA (KM) sa PDV-om
1	"Saraj inženjering" d.o.o. Sarajevo	82.175,00	/	/	96.144,75
2	"Arting BH" d.o.o. Sarajevo	50.700,00	/	/	59.319,00

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila sljedeće:

- I. Ponuda ponuđača "Arting BH" d.o.o. Sarajevo ne ispunjava formalno-pravne uslove tražene Tenderskom dokumentacijom i to:

Tačkom 7.4.1. pod a) TD, a u skladu sa članom 50. Zakona je zahtjevano od ponuđača da su kao pružaoci usluga uspješno realizovali minimalno 2 (dva) ugovora čiji je karakter i kompleksnost isti ili sličan onom koji se odnosi na predmetnu nabavku (projektovanje saobraćajnica i objekata niskogradnje – mostovi, potputnjaci, natputnjaci i dr.) u ukupnom iznosu od 20.000,00 KM bez uračunatog PDV-a, uz napomenu da se ne može sabirati više ugovora manje vrijednosti, već ponuđač mora imati isključivo minimalno 2 (dva) realizovana ugovora u vrijednosti minimalno po 10.000,00 KM bez uračunatog PDV-a.

Tačkom 7.4.2. pod a) TD su kao dokaz zahtjevani spisak izvršenih ugovora u ukupnom iznosu od 20.000,00 KM bez uračunatog PDV-a u posljednje 3 (tri) godine računajući od dana podnošenja ponude-referenc lista, koju sačinjava ponuđač na svom memorandumu sa potvrdama o izvršenim ugovorima od strane krajnjeg korisnika (u iznosu od 20.000,00 KM bez uračunatog PDV-a), a sve u skladu sa članom 48. stav 2. Zakona, uz napomenu da pravno lice (projektant) ne može izdati potvrdu o realizaciji usluga drugom pružaocu usluga-projektantu, već navedeno može učiniti isključivo Upravitelj cesta projektantu koji je pružao usluge.

Ponuđač "Arting BH" d.o.o. Sarajevo je u svojoj ponudi (strana 10.-13. Ponude) dostavio Referens listu iz koje se vidi da je u posljednje 3 (tri) godine imao ukupno 5 (pet) realizovanih ugovora preko 10.000,00 KM.

Također, ponuđač "Arting BH" d.o.o. Sarajevo je u svojoj ponudi (strana 14. i 15. Ponude) dostavio Potvrde o uspješno realizovanim ugovorima, izdate od strane JU Direkcija regionalnih cesta TK.

Iz dostavljene Potvrde broj: 03-3-56-6/20 od 16.03.2020. godine je vidljivo da je ponuđač "Arting BH" d.o.o. Sarajevo uspješno realizovao Ugovor broj: 05-05-56-20 (UL6)/18 od 06.04.2018. godine u iznosu od 11.568,96 KM sa uračunatim PDV-a.

Iz dostavljene Potvrde broj: 03-6-427-18-L4-2/20 od 18.03.2020. godine je vidljivo da je ponuđač "Arting BH" d.o.o. Sarajevo uspješno realizovao Ugovor broj: 05-05-427-18-L4/17 od 30.11.2017. godine u iznosu od 10.222,30 KM sa uračunatim PDV-a.

Na osnovu prethodno iznesenog, Komisija za javne nabavke smatra da ponuđač "Arting BH" d.o.o. Sarajevo ne zadovoljava postavljeni uslov o realizaciji minimalno 2 (dva) ugovora čiji je karakter i kompleksnost isti ili sličan onom koji se odnosi na predmetnu nabavku (projektovanje saobraćajnica i objekata niskogradnje – mostovi, potputnjaci, natputnjaci i dr.) u ukupnom iznosu od 20.000,00 KM bez uračunatog PDV-a, iz razloga što su dostavljene vrijednosti realizovanih ugovora sa uračunatim PDV-om, što znači da ugovori bez uračunatog PDV-a iznose 9.888,00 KM i 8.737,00 KM, dok je TD jasno naglašeno da se ne može sabirati više ugovora manje vrijednosti, već ponuđač mora

imati isključivo minimalno 2 (dva) realizovana ugovora u vrijednosti minimalno po 10.000,00 KM bez uračunatog PDV-a, a sve u skladu sa članom 50. Zakona.

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

Detaljnim postupkom pregleda i ocjene ponude, Komisija za javne nabavke je utvrdila da ponuda ponuđača "Saraj inženjering" d.o.o. Sarajevo ispunjava formalno-pravne uslove, odnosno zahtjeve ugovornog organa tražene Tenderskom dokumentacijom.

Zatim je Komisija za javne nabavke pristupila razmatranju finansijskog dijela ponude ponuđača "Saraj inženjering" d.o.o. Sarajevo, te je izvršena računska provjera dostavljene ponude i utvrđeno je da nema računskih grešaka, a sve u skladu sa odredbom člana 17. stav 1. Uputstva za pripremu modela tenderske dokumentacije i ponuda ("Službeni glasnik BiH" broj: 90/14 i 20/15).

Iz navedenih razloga, a primjenom člana 64. stav 1. tačka b) Zakona o javnim nabavkama BiH ("Službeni glasnik BiH" broj: 39/14), Komisija za javne nabavke je jednoglasno dala preporuku Općinskom načelniku da donese Odluku o izboru najpovoljnijeg ponuđača "Saraj inženjering" d.o.o. Sarajevo, za pružanje usluge izrade tehničke dokumentacije na nivou glavnog projekta za sanaciju i rekonstrukciju lokalnih puteva na području općine Vogošća, kao jedine formalno-pravno prihvatljive ponude, sa ponuđenom ukupnom cijenom ponude u iznosu od 82.175,00 KM bez uračunatog PDV-a, odnosno 96.144,75 KM sa uračunatim PDV-om.

Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu za razmatranje žalbi BiH putem ugovornog organa.

Izradio: Mirza Čutura

Mirza Čutura

Kontrolisala: Melisa Kršo

Melisa Kršo

Dostavljeno:

1. "Saraj inženjering" d.o.o. Sarajevo
2. "Arting BH" d.o.o. Sarajevo
3. Nadležnoj Službi
4. U dosije
5. a/a

033/592-450

033/847-037



OPĆINSKI NAČELNIK

Edin Smajić

Edin Smajić